

d'Chance hat, fir et ze ënnerschreiw. Abee, mir musse present ginn a Südamerika a mer mussen och weider eise Réseau developpéieren op dem afrikanesche Kontinent. Mir hunn de Moment eelef Konventioun vum Duebelbesteierungsofkommessen ënnerschriww mat afrikanesche Länner an dovum sinn der aacht schonns a Kraaft. Déi dräi aner, dat ass notamment de Cap Vert ... Ab haut wäert deen dann och, wann dat Gesetz gestëmmt a publizéiert ass, a Kraaft sinn. Da feelen nach Ghana a Ruanda, dee bei eis schonns ofgeschloss ass, mee bei den Autoritéite vum Ruanda nach net. Do ass d'RAFifikationsprozedur nach amgaang.

Duerfir ofschléissend nach eng Kéier Merci fir dee breede Support. Dem Här Mosar däerf ech net méi Merci soen. Elo ass dat awer indirekt geschitt. An ech hoffen dann, dass déi breet Zoustëmmung sech och am Vott erëmfënnt.

Ech soen Iech Merci fir d'Nolauschteren.

M. Claude Wiseler, Président | Merci, Här Finanzminister. An domat ass d'Diskussioun dann elo ofgeschloss.

A mir kommen zur Ofstëmmung iwwert de Projet de loi 8282. Den Text steet am Document parlementaire 8282³.

Vote sur l'ensemble du projet de loi 8282 et dispense du second vote constitutionnel

D'Ofstëmmen fänkt elo un. De Quorum ass erreecht. Vote par procuration.

(Brouhaha)

Ok. De Vott ass elo ofgeschloss.

Den Här Goergen huet och mat Jo gestëmmt. Da sinn et 58 Jo-Stëmme géint 2 Nee-Stëmme. Dësen Text ass also ugehall mat 58 Jo-Stëmme géint 2 Nee-Stëmme.

Ont voté oui: Mmes Diane Adehm, Nancy Arendt épouse Kemp, MM. Maurice Bauer, Jeff Boonen, Alex Donnersbach, Emile Eicher, Félix Eischen, Paul Galles, Christophe Hansen, Max Hengel, Mme Françoise Kemp, M. Marc Lies, Mmes Octavie Modert, Nathalie Morgenthaler, MM. Laurent Mosar, Marc Spautz, Charel Weiler, Mme Stéphanie Weydert, MM. Claude Wiseler, Michel Wolter et Laurent Zeimet;

Mme Barbara Agostino, MM. Guy Arendt, André Bauler, Gilles Baum, Mmes Simone Beissel, Corinne Cahen, MM. Luc Emering, Fernand Etgen, Patrick Goldschmidt, Gusty Graas, Mmes Carole Hartmann, Mandy Minella, Lydie Polfer (par M. Gusty Graas) et M. Gérard Schackmel;

M. Dan Biancalana, Mmes Taina Bofferding, Liz Braz, Francine Closener, M. Yves Cruchten, Mme Claire Delcourt, MM. Mars Di Bartolomeo, Georges Engel, Franz Fayot, Claude Haagen et Mme Paulette Lenert;

MM. Jeff Engelen, Fernand Kartheiser, Fred Keup, Mme Alexandra Schoos et M. Tom Weidig;

MM. François Bausch (par Mme Sam Tanson), Meris Sehovic (par Mme Joëlle Welfring), Mmes Sam Tanson et Joëlle Welfring;

MM. Sven Clement, Marc Goergen et Ben Polidori (par M. Sven Clement).

Ont voté non: MM. Marc Baum et David Wagner.

Freet d'Chamber d'Dispens vum zweete Vote constitutionnel?

(Assentiment)

Dann ass dat esou decidéiert.

14. 8231 – Projet de loi portant approbation de la Convention mondiale sur la reconnaissance des qualifications relatives à l'enseignement supérieur, faite à Paris, le 25 novembre 2019

Da komme mer zum leschte Punkt vum Ordre du jour vun haut. Dat ass de Projet de loi 8231, eng Konventioun iwwert d'Unerkennung vum Héichschoulqualifikatiounen. D'Riedezäit ass nees eng Kéier nom Basismodell festgeluecht a folgendermoossen opgedeelt: zéng Minutte fir de Rapporteur, fënnf Minutte fir jiddwer Fraktioun oder Sensibilitéit, zéng Minutte fir d'Regierung. Et si schonn ageschriwwen: d'Madamm Octavie Modert, d'Madamm Liz Braz, den Här Tom Weidig, d'Madamm Joëlle Welfring, den Här Sven Clement an den Här David Wagner. An den honorabele Rapporteur, den Här André Bauler, huet d'Wuert. Här Bauler.

Rapport de la Commission des Affaires étrangères et européennes, de la Coopération, du Commerce extérieur et à la Grande Région

M. André Bauler (DP), rapporteur | Merci, Här President. Léif alleguer, mat dësem Gesetzesprojet, dem 8231, huele mer haut als Parlament déi global Konventioun iwwert d'Unerkennung vum de Qualifikatiounen am Héichschoulberäich un. Et handelt sech heibäi ëm en éischten Traité vum de Vereenten Natiounen iwwert d'Héichschoulqualifikatiounen, deen eng global, eng weltwäit Relevanz huet. D'Konventioun selwer ass zënter dem 5. März 2023 a Kraaft.

Et sief gesot, dass och elo scho regional Konventiounen an dëser Matière existéieren, esou zum Beispill d'Konventioun iwwert d'Unerkennung vum Héichschoulqualifikatiounen an Europa, déi 1997 zu Lissabon adoptéiert ginn ass. Dës nei global Konventioun versicht dann och net, fir déi regional Konventiounen ze ersetzen, mee fir de besteende Kader an deem Kontext ze kompletéieren, ze ergänzen. De Sënn heivunner ass et, fir iwwert d'Afféierung vu generelle Prinzippien eng gréisser international Mobilitéit vum de Studenten, Fuerscher an de Salariéen ze favoriséieren an d'Recht op eng fair, equitable an transparent Unerkennungsprozedur vum auslännesche Qualifikatiounen ze promouvéieren.

Den Zweck, dee soll erfüllt ginn, besteet doranner, fir e feste Kader fir d'Unerkennung vum Héichschoulqualifikatiounen op der Échelle mondiale, also weltwäit, ze schafen an domat d'Vepflichtungen, déi sech elo schonn aus de regionale Konventiounen erënn, op e globalen Niveau auszewäiten, soudass eeben dës Prinzippien och bei deene Länner kënnen promouvéiert ginn, déi nach keng regional Konventioun, wéi zum Beispill d'Konventioun vu Lissabon fir den europäesche Raum, ënnerzeechent haten.

Et schwätzt näischt dergéint, dass Lëtzebuerg och déi global Konventioun ratifiéiere kann a soll. Um Niveau vum Héichschoulwiesen erfëlle mer elo schonn déi verschidden Unerkennungsprinzippien, déi an der Convention mondiale festgehal sinn, soudass hei keng Upassunge musse virgeholl ginn. Dat gëllt och fir nei Elementer an dëser globaler Konventioun, déi den neien Approchen a Weeër a Saachen Héichschoulqualifikatiounen wëlle Rechnung droen. Ech géif se kuerz ernimmen.

Dat betrëfft d'Evaluatioun no de selwechte Krittäre fir Qualifikatiounen, déi eng Persoun iwwer sougenannt traditionell oder eeben net traditionell Léierweeër erreecht huet. Eis Prozedur fir déi akadeemesch Unerkennung mécht hei keen Ënnerschied an deem Sënn,

dass mir all Diplom unerkennen, deen am Land, an deem dësen Diplom eeben ausgestallt gouf, als Deel vum Héichschoulsystem unerkannt ass.

Dann en zweete Punkt: Dat gëllt och fir d'Unerkennung vum Diplomer am Kader vu gemeinsamen internationale Programmer an zum Schluss gëllt et och fir d'Unerkennung vum Acquisen, déi ee schonn am Virfeld gesammelt huet, dëst via de System vum der sougenannter Validation des acquis de l'expérience, wou ee sech besonnesch seng professionell Erfarunge kann ënner bestëmmten, gewëssene Bedéngungen urrechne loosse.

Deen eenzege klengen Ënnerschied zu de Konventiounen, wéi se bis ewell bestanen hunn, ass deen, datt bis dato just eng Beschreiwung vum de Qualifikatiounen huet mussen existéieren. Elo gëtt dat erweidert op eng komplett Beschreiwung vum de Résultats d'apprentissage vum deene verschiddene Studieprogrammen.

Wat elo d'Unerkennung vum Diplomer aus dem Enseignement secondaire ubelaangt, also Niveau Première, Bac, ass et aktuell esou, dass den Educatiousministère bis dato den Ënnerschied gemaach huet tëschent deene Länner, déi d'Konventioun vu Lissabon oder och déi vu Paräis ënnerzeechent haten, an deenen, déi dat net gemaach hunn. Mee och Diplomer aus Drëttstaate ginn elo schonn evaluéiert. Dat bedeit also, dass d'Konditiounen vum der globaler Konventioun och zu dësem Ablack schonn erfüllt sinn. An Zukunft wäerten also Diplomer aus Länner, déi zwar net déi europäesch Konventioun ratifizéiert hunn, mee déi nei global Konventioun, no den nämmechte Krittäre wéi déi europäesch Diplomer behandelt ginn.

Léif alleguer, e weideren interessante Punkt, deen an der Kommissioun ervirgehewe gouf an deen och wichteg ass, ass virun allem deen, dass dës akadeemesch Unerkennung vum Titelen net ze verwieselen ass mat der professioneller Unerkennung vu Qualifikatiounen am Kader vum de reglementéierte Berufler, wou et also ëm den Zougang, ëm den Accès vum deene Berufler geet.

Här President, zum Schluss nach e kuerzt Wuert zum Avis vum der Handelskummer, der Chambre de Commerce. Si huet an hirem Avis prezisiéiert, dass et wichteg ass, souwuel déi legal wéi och déi administrativ Exigenzen am Kader vum der Unerkennung vum den Diplomer ze vereinfachen. Dëst géif besonnesch den Accès op den Aarbechtsmaart fir vill Leit vereinfachen an och déi geografesch Mobilitéit vu ville Leit, och vum de Schüler a Studenten, begünstegen.

Fir all weideren Detail verweisen ech op mäi schrëftleche Rapport. Den Accord vu menger Fraktioun soll ech jo separat ginn, Här President, dofir géif ech gär dann nom CSV-Riedner schwätzen. Ech soen Iech Merci.

Une voix | Très bien!

M. Claude Wiseler, Président | Merci, Här Bauler, fir Äre schrëftlechen a fir Äre mëndleche Rapport.

An déi éischt ageschriwwene Riednerin ass d'Madamm Octavie Modert. Madamm Modert.

Discussion générale

Mme Octavie Modert (CSV) | Jo, merci, Här President. Dir Dammen an Dir Hären, ech mengen, d'Mobilitéit vu Studenten ass haut ëmmer méi grouss an natierlech ass dat hei zu Lëtzebuerg nach vill, vill méi de Fall, zanter éiweg, mat ganz ville Studenten aus Lëtzebuerg, déi jo am Ausland studéieren.

Dofir ass dat Gesetz hei och grad wichteg fir eis, well mir natierlech méi Studenten am Ausland hu mat auslänneschen Diplomer wéi eeben aner respektiv grouss Länner.

Elo kéint ee sech jo d'Fro stellen, ob et iwwerhaapt nach néideg wär, eng explizitt a prozedural Unerkennung vun Héichschouldiplomer ze maachen. Elo ass da grad haut am Memorial e Gesetz oder d'Publikatioun vun dem Akraafttriede vum Traité iwwert déi automatesch Unerkennung vun der Qualifikatioun vun dem Enseignement supérieur, deen zu Bréissel 2021 gemaach ginn ass. Den Här Rapporteur hat dovunner geschwat. Dat ass en Text, deen d'Benelux-Länner an déi baltesch Länner u sech an där Hisiicht liiert. Deen Text ass haut am Memorial, deen ass de 5. Februar a Kraaft getrueden, wou et dann heescht: „Bei deene Länner brauch keng Unerkennung méi explizitt vun den Diplomer gemaach ze ginn.“

Et wär natierlech flott, wann dat nach op méi Länner géif ausgeweit kënne ginn. Iergendwéini muss ee sech froen, awéiwäit déi Systemer haut nach gutt sinn, déi et vläicht virun enger Häerd vu Jore wuel waren, déi awer vläicht elo net méi esou néideg wäeren.

Trotz allem ass dat hei an déi nei Konventioun, ëm déi et haut an dësem Gesetz hei an der Chamber geet, eng gutt Noricht an eng gutt Saach. An dozou gëtt och d'CSV-Fraktioun hiert Averständnis. Merci.

Une voix | Très bien!

M. Claude Wiseler, Président | Merci, Madamm Modert. An den Här Bauler huet sech nach eng Kéier ageschriwwen als Riedner vun der DP.

M. André Bauler (DP) | Jo, merci, Här President, datt Der mer d'Wuert gitt. Ech wollt nach eng Kéier op dëser Plaz den Accord, d'Zoustëmmung vu menger Fraktioun ginn, soudass dat schéi vum Rapport getrennt ass.

Merci.

Une voix | Très bien!

M. Claude Wiseler, Président | Ok, Här Bauler. Dat ass ganz léif vun Iech. An déi nächst ageschriwwen Riednerin ass d'Madamm Liz Braz.

Mme Liz Braz (LSAP) | Här President, léif Kolleegen, mat deem heite Projet stärke mir nach eng Kéier déi international Zesummenaarbecht fir eng verbessert an eng méi modern Approche bei der Unerkennung vun den Héichschouldiplomer.

Nom Rapport bleift mir dann hei nëmmen nach ze ënnersträichen, dass mir als LSAP esou Efforten ëmmer begrëssen an och op déi international Zesummenaarbecht halen, besonnesch bei der Unerkennung vun Diplomer, wann ee bedenkt, wéi frappant dann awer de Personalmanangel a wichtigen, spréich esentielle Secteuren ass a wéi staark eisen Aarbechtsmarché ofhängeg ass vun auslännescher Fachkraaft, an och grad fir ons klenge Lëtzebuerg, wou et eis net méiglech ass, all Typ vu Spezialiste selwer auszubilden, sinn esou Conventiounen e klere Léisungsusaz, fir eis Lacunnen ze behiewen.

Mir ënnerstëtzen dofir dëse Projet, fir d'international Zesummenaarbecht weider ze fërderen, wou et Sënn mécht. An dat ass hei kloer de Fall. Dofir sinn ech frou, den Accord vu menger Fraktioun kënnen ze ginn. Merci.

M. Claude Wiseler, Président | Merci, Madamm Braz. An dann huet den Här Tom Weidig d'Wuert.

M. Tom Weidig (ADR) | Jo. Merci, Här Chambers-president. Mir wäerten dee Projet de loi och als Fraktioun matstëmmen. Merci.

M. Claude Wiseler, Président | Merci, Här Weidig. D'Madamm Welfring huet d'Wuert.

Mme Joëlle Welfring (déi gréng) | Merci, Här President. Mir kënnen och deen heite Projet de loi ënnerstëtzen, well d'Mobilitéit an d'Unerkennung vun diploméierte Leit duerch d'ganz Welt eng ganz wichteg Saach ass a ganz ville Secteuren, och hei zu Lëtzebuerg. Dofir kënnen mer dat hei nëmme matënnerstëtzen, d'autant plus, well viles scho besteet an dat hei eigentlech eng Modernisatioun vum Bestand duerstellt an eng Vergréisserung vun der geografischer Portée. Voilà. Merci.

M. Claude Wiseler, Président | Merci, Madamm Welfring. Dann huet elo d'Wuert: den Här Sven Clement.

M. Sven Clement (Piraten) | Merci, Här President. Léif Kolleeginnen a Kolleegen, déi virleidend Konventioun iwwert d'Unerkennung vun den Héichschouldiplomatiounen ass e wichtige Schratt fir d'Verbesserung vun der internationaler Zesummenaarbecht um Niveau vun der Fuerschung a vun der Ausbildung. An dofir fënnt se och eis vollsten Ënnerstëtzung.

An ech fannen et och ganz gutt, wat och virdru scho gesot gouf: U sech musse mir hei zu Lëtzebuerg net vill drun änneren, fir konform zu där Konventioun ze sinn, well mir de Gros dovunner schonn erfëllen, fir net ze soen alles, mee et sinn e puer technesch Detailler.

Et ass awer esou, datt mer eis trotzdem verbessere kënnen. A virun allem, an dofir ass et esou schéin, ass dat heite jo elo eng Unesco-Konventioun, wou dann nach eng Kéier méi Länner derbäi sinn, wéi wa mer dat op europäeschem Niveau maachen, wa mer dat op iergendwellechen anere Fore maachen. An et ass awer och nach ëmmer esou, datt mer grad bei der Unerkennung vun Diplomer aus den Net-EU-Länner heefeg mat Problemer ze kämpfen hunn, soudatt gutt qualifizéiert Leit hir Studien net oder net vollstänneg unerkannt kréien an domadder dann an eng Situatioun geroden, wou se entweder musse Studien nomaachen, obwuel se se schonn an hirem Heemechtsland gemaach hunn, oder eeben tatsächlech ganz vu vir musse mat eppes anerem ufänken.

Ech ginn elo net op spezifesch Fäll an, mee mir wëssen, datt grad a Metieren, wou mer gesinn, datt et eng Prekaritéit u Main-d'oeuvre gëtt, mer ëmmer erëm mat deene Froe konfrontéiert sinn, wou Leit, héichqualifizéiert Leit, op Lëtzebuerg wëlle kommen a spéitstens wa se dann hei sinn op eemol gesot kréien: „Jo ok, et ass schéin, dass de hei bass, mee du hues net den Diplom, fir an deem Metier ze schaffen.“ Dat ass an de reglementéierte Beruffer de Fall, dat kann awer och an de Beruffer de Fall sinn, wou eng Autorisation d'établissement gefuerdert gëtt a wou se da Problemer hunn, fir eeben nozeweisen, datt se déi kënnen kréien.

Dat heescht, déi international Kooperatioun ass wichteg, fir d'Mobilitéit ze erhéien. An deementsprechend wär et gutt, wa mer do nach weider Efforte géife maachen. Mir brauchen dat global. An all Schrëtt, deen de friddlechen Austausch an d'Zesummenaarbecht tëscht de Länner fërdert, ass do déi richteg Richtung. An dofir kann ech och den Accord vun de Piraten fir dëse Projet ginn.

Ech soen Iech Merci.

M. Marc Goergen (Piraten) | Ganz gutt!

M. Claude Wiseler, Président | Merci, Här Clement. Dann huet elo d'Wuert: den Här David Wagner.

M. David Wagner (déi Lénk) | Jo, merci, Här President. Mir wäerte selbstverständlech dee Projet de loi och matdroen.

Et ass virdru kuerz ugeschwat gi vum Här Rapporteur an den Här Clement huet dat elo och ugeschwat. Et betrëfft natierlech elo net deen heite Projet de loi, mee ech mengen, et ass wichteg, datt een dat awer kuerz uschwätzt: Dat ass eeben déi Problematik vun der Unerkennung vun de reglementéierte Beruffer, wou et zu Lëtzebuerg, zemoos am Gesondheetssektor, och an anere Secteuren, mee zemoos am Gesondheitssektor wierklech problematesch ass, wou mer Leit hunn hei zu Lëtzebuerg, déi diploméiert sinn, aus Pays-tiersen, déi heiansdo excellent Qualifikatiounen hunn, Bac+4 fir Infirmier an esou weider – dat muss ee sech virstellen! – an awer trotzdem Hürden hunn, fir hei ze praktizéieren a Beräicher, wou mir en plus justement an der Penurie sinn.

Dat heescht, et wier wierklech interessant, eng Kéier déi Diskussioun do ze féieren an do vläicht och déi eng oder déi aner Ännerung duerchzeféieren. Ech soen Iech Merci.

M. Claude Wiseler, Président | Merci, Här Wagner.

Da wär et elo un der Regierung. Madamm Ministesch.

Prise de position du Gouvernement

Mme Stéphanie Obertin, Ministre de la Recherche et de l'Enseignement supérieur | Merci, Här President. Ech soe Merci fir de breede Konsens fir dëse Projet de loi, mat deem d'Convention mondiale a Saachen Unerkennung vun auslännesche Qualifikatiounen approvüert gëtt.

Mat dëser Konventioun ginn, wéi vun de Virriedner scho gesot, elo eng Rei Prinzippien a Saachen akademescher Unerkennung vu Qualifikatiounen op engem weltwäiten Niveau festgehalten an domat regional Konventiounen wéi d'Konventioun vu Lissabon ergänzt. Esou gëtt déi international Mobilitéit vu Studenten, Fuerscher a Salarié favoriséiert an de Prinzippien vu fairen an transparente Prozeduren a Saachen Unerkennung vun Diplomer promovüert.

Ech soen Iech Merci fir Är Zoustëmmung.

Une voix | Très bien!

M. Claude Wiseler, Président | Merci, Madamm Ministesch.

Da komme mer elo zur Ofstëmmung iwwert de Projet de loi 8231. Den Text steet am Document parlementaire 8231⁴.

Vote sur l'ensemble du projet de loi 8231 et dispense du second vote constitutionnel

D'Ofstëmmen fänkt un. De Quorum ass erreecht. De Vote par procuration. Huet elo jiddwerengem säin Apparat fonctionéiert? Da Fin du vote.

Also, dësen Text huet 60 Jo-Stëmmen kritt an ass domadder mat 60 Jo-Stëmmen uegheoll.

Ont voté oui: Mmes Diane Adehm, Nancy Arendt épouse Kemp, MM. Maurice Bauer, Jeff Boonen, Alex Donnersbach, Emile Eicher, Félix Eischen, Paul Galles, Christophe Hansen, Max Hengel, Mme Françoise Kemp, M. Marc Lies, Mmes Octavie Modert, Nathalie Morgenthaler, MM. Laurent Mosar, Marc Spautz, Charel Weiler, Mme Stéphanie Weydert, MM. Claude Wiseler, Michel Wolter et Laurent Zeimet;

Mme Barbara Agostino, MM. Guy Arendt, André Bauler, Gilles Baum, Mmes Simone Beissel, Corinne Cahen, MM. Luc Emering, Fernand Etgen, Patrick Goldschmidt, Gusti Graas, Mmes Carole Hartmann, Mandy Minella, Lydie Polfer (par M. André Bauler) et M. Gérard Schockmel;

M. Dan Biancalana, Mmes Taina Bofferding, Liz Braz, Francine Cloener, M. Yves Cruchten, Mme Claire Delcourt,

MM. Mars Di Bartolomeo, Georges Engel, Franz Fayot, Claude Haagen et Mme Paulette Lenert ;

MM. Jeff Engelen, Fernand Kartheiser, Fred Keup, Mme Alexandra Schoos et M. Tom Weidig ;

MM. François Bausch (par Mme Sam Tanson), Meris Sehic (par Mme Joëlle Welfring), Mmes Sam Tanson et Joëlle Welfring ;

MM. Sven Clement, Marc Goergen et Ben Polidori (par M. Sven Clement) ;

MM. Marc Baum et David Wagner.

Freet d'Chamber d'Dispens vum zweete Vote constitutionnel?

(Assentiment)

Dann ass dat esou decidéiert.

Domat si mer um Enn vun dëser Sëtzung ukomm. D'Chamber kënn muer um 14.00 Auer nees zesammen.

D'Sëtzung ass heimat opgehuewen.

(La séance publique est levée à 18.10 heures.)

13^e séance

Sommaire

1. Ouverture de la séance publique

M. Claude Wiseler, Président

2. Heure d'actualité de la sensibilité politique déi gréng au sujet de la directive sur le devoir de vigilance des entreprises en matière de durabilité

Exposé : Mme Sam Tanson (dépôt de la motion 1)

Débat : M. Christophe Hansen (dépôt de la motion 2) | M. André Bauler | M. Franz Fayot (interventions de M. Mars Di Bartolomeo, Président de séance) | M. Fernand Kartheiser (interventions de M. François Bausch, M. David Wagner et M. Meris Sehic) | M. Sven Clement (interventions de M. Christophe Hansen et M. Marc Baum) | M. Christophe Hansen (parole pour fait personnel) | M. Sven Clement | M. Christophe Hansen (intervention de M. Sven Clement) | M. Franz Fayot (dépôt de la motion 3) | M. Marc Baum

Prise de position du Gouvernement : M. Luc Frieden, Premier ministre | Mme Sam Tanson (parole après ministre) | M. le Premier ministre Luc Frieden | M. Marc Goergen (parole après ministre) | M. le Premier ministre Luc Frieden

Motion 1 : Mme Sam Tanson | M. Franz Fayot | M. Luc Frieden, Premier ministre | Mme Sam Tanson | M. le Premier ministre Luc Frieden (intervention de Mme Sam Tanson) | M. Sven Clement | M. Christophe Hansen | M. Fernand Kartheiser | M. Marc Baum

Vote sur la motion 1 modifiée (adoptée)

Motion 2 : M. Christophe Hansen | Mme Sam Tanson | M. Franz Fayot | M. Marc Baum | M. Sven Clement | M. Fernand Kartheiser

Vote sur la motion 2 (adoptée)

Motion 3 : M. Franz Fayot | M. Sven Clement (intervention de M. Franz Fayot) | M. Franz Fayot | M. Laurent Mosar

Vote sur le renvoi de la motion 3 en commission (rejeté)

Vote sur la motion 3 (rejetée)

3. Question élargie n° 4 de M. Marc Baum au sujet de la mise en œuvre de la directive européenne relative à des salaires minimaux adéquats

M. Luc Frieden, Premier ministre

p. 39

p. 39

p. 50

4. Ordre du jour

M. Claude Wiseler, Président | M. Luc Frieden, Premier ministre | M. Marc Baum | M. Claude Meisch, Ministre de l'Éducation nationale, de l'Enfance et de la Jeunesse

5. Question élargie n° 3 de M. Fred Keup au sujet de la digitalisation à l'école

M. Fred Keup | M. Claude Meisch, Ministre de l'Éducation nationale, de l'Enfance et de la Jeunesse | M. Fred Keup | M. le Ministre Claude Meisch

6. Ordre du jour (suite)

M. Claude Wiseler, Président

7. Question élargie n° 4 de M. Marc Baum au sujet de la mise en œuvre de la directive européenne relative à des salaires minimaux adéquats (suite)

M. Marc Baum | M. Georges Mischo, Ministre du Travail | M. Marc Baum | M. le Ministre Georges Mischo

8. Interpellation de M. Meris Sehic au sujet de l'amélioration de l'inclusion des enfants à besoins spécifiques dans le cadre du système éducatif luxembourgeois

Exposé : M. Meris Sehic (dépôt de la motion 1)

Débat : Mme Nathalie Morgenthaler | Mme Barbara Agostino | Mme Francine Closener | M. Fred Keup | M. Ben Polidori | M. David Wagner

Prise de position du Gouvernement : M. Claude Meisch, Ministre de l'Éducation nationale, de l'Enfance et de la Jeunesse (intervention de M. Meris Sehic) | M. Meris Sehic (parole après ministre) | M. le Ministre Claude Meisch

Motion 1 : M. Meris Sehic

Vote sur la motion 1 modifiée (adoptée)

Présidence : M. Claude Wiseler, Président ; M. Mars Di Bartolomeo, Vice-Président

Au banc du Gouvernement : M. Luc Frieden, Premier ministre ; M. Claude Meisch et M. Georges Mischo, Ministres

(La séance publique est ouverte à 14.00 heures.)

1. Ouverture de la séance publique

M. Claude Wiseler, Président | Ech maachen d'Sëtzung op.

Huet d'Regierung eng Kommunikatioun ze maachen?

M. Luc Frieden, Premier ministre | Nee, Här President.

2. Heure d'actualité de la sensibilité politique déi gréng au sujet de la directive sur le devoir de vigilance des entreprises en matière de durabilité

M. Claude Wiseler, Président | D'Chamber féiert haut de Mëtten eng Aktualitéitsstonn iwwert déi

sougenannte „Liwwerkettendirektiv“, déi déi politesch Sensibilitéit déi gréng ugefrot huet. D'Riedezäit ass am Artikel 84 (2) vum Chamberreglement festgehalen. Den Auteur vun der Aktualitéitsstonn huet zéng Minutten, déi verschidde Fraktiounen a Sensibilitéite jeeweils fënnf Minutten, an duerno huet d'Regierung fofzéng Minutten. Et hu sech schonn ageschriwwen: den Här Christophe Hansen, den Här André Bauler, den Här Franz Fayot, den Här Fernand Kartheiser an den Här Sven Clement. D'Wuert huet elo déi honorabel Madamm Sam Tanson als Vertrieederin vun der politescher Sensibilitéit déi gréng. Madamm Tanson.

Exposé

Mme Sam Tanson (déi gréng) | Jo, merci, Här President. Voillà, sielen ass eng Aktualitéitsstonn esou aktuell wéi elo. De Moien hunn nach

d'Ambassadeuren am COREPER iwwert deen extreem wichtigen Text, iwwert dee mer elo de Mëtten debattieren, diskutéiert.

Wéi ëmmer bei deene Reuniounen, probéiert een, aus der Press erauszefannen, wat dann elo d'Positioun vun deem engen an deem aneren ass. Ech hoffen, dass mer dann de Mëtten endlech méi gewuer ginn iwwert d'Positioun vun der Lëtzebuerger Regierung zu deem Text, dee bis elo ëmmer d'Ënnerstëtzung vu Lëtzebuerg hat. Et sinn an deene leschte Woche vill Positiounen nach derbäikomm oder ëmgekippt ginn, a mir hoffen awer, dass et elo – déi belsch Présidence huet jo annoncéiert, dass ee sech géif gi bis de 7. Mäerz – an deem Kontext an an deem Kader awer nach hei zu engem Accord kënn an dass Lëtzebuerg och säin Deel dozou bäidréit. Mee de Mëtten ass fir eis emol prioritär ze wëssen, wou